



SLUŽBENI GLASNIK

OPĆINE BUŽIM

Godina XXVIII - Broj 9	13. 11. 2023 BUŽIM	Izdanje na bosanskom jeziku
------------------------	-----------------------	--------------------------------

OPĆINSKO VIJEĆE

103.

Na osnovu člana 13. Zakona o principima lokalne samouprave u Federaciji BiH ("Službene novine FBiH", br. 49/06), člana 52. Zakona o organizaciji organa uprave u Federaciji BiH ("Službene novine F BiH", br. 35/05), člana 24. Statuta općine Bužim („Službeni glasnik općine Bužim“ broj: 12/15), Općinsko vijeće općine Bužim na XXVII (dvadesetsedmoj) redovnoj sjednici, održanoj dana 25.10.2023. godine, **donosi:**

ODLUKU

o davanju saglasnosti na Pravilnik o izmjeni i dopuni Pravilnika o unutrašnjoj organizaciji i sistematizaciji radnih mjesta u Općinskom organu uprave općine Bužim

Član 1.

Daje se saglasnost na Pravilnik o izmjeni i dopuni Pravilnika o unutrašnjoj organizaciji i sistematizaciji radnih mjesta u Općinskom organu uprave općine Bužim, br. 02-02-3347/23 od 19.10.2023. godine.

Član 2.

Odluka stupa na snagu narednog dana od dana objave u Službenom glasniku općine Bužim.

Broj: 01-02-3347-1/23 PREDSJEDAVAJUĆI
Bužim, 25.10.2023 OPĆINSKOG VIJEĆA
Hasan Hilić, s.r.

III

Rješenje stupa na snagu danom donošenja, a isto će se objaviti u Službenom glasniku Općine Bužim.

Broj: 01-04-3341/23 PREDSJEDAVAJUĆI
Bužim, 25.10.2023 OPĆINSKOG VIJEĆA
Hasan Hilić, s.r.

104.

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine F/BiH“, broj: 34/03 i 65/13), člana 24. tačka 2. Statuta općine Bužim (Sl. glasnik općine Bužim, broj 12/15), Općinsko vijeće općine Bužim, na prijedlog Komisije za izbor i imenovanje i mandatno-imunitetska pitanja, na XXVII (dvadesetsedmoj) redovnoj sjednici, održanoj dana 25.10.2023. godine, **usvojilo je:**

R J E Š E N J E

o imenovanju Upravnog odbora JU „Centar za kulturu, sport i informisanje“ Bužim

I

Za predsjednika i članove Upravnog odbora JU „Centar za kulturu, sport i informisanje“ Bužim, imenuju se:

1. Šahinović Rifet, za predsjednika
2. Isaković Amela, za člana
3. Veladžić Edin, za člana

Imenovanje se vrši na mandatni period od 4 godine.

II

Upravni odbor javne ustanove obavlja poslove utvrđene zakonom, propisima Općine Bužim i Pravilima Ustanove.

105.

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine F/BiH“, broj: 34/03 i 65/13), člana 24. tačka 2. Statuta općine Bužim (Sl. glasnik općine Bužim, broj 12/15), Općinsko vijeće općine Bužim, na prijedlog Komisije za izbor i imenovanje, i mandatno-imunitetska pitanja, na XXVII (dvadesetsedmoj) redovnoj sjednici, održanoj dana 25.10.2023. godine, **usvojilo je:**

R J E Š E N J E

o imenovanju Upravnog odbora u JU „Centar za socijalni rad“ Bužim

I

Za predsjednika i članove Upravnog odbora JU „Centar za socijalni rad“ Bužim, imenuju se:

1. Suljić Hašim, za predsjednika
2. Kazaferović Fehim, za člana
3. Cinac Sedija, za člana
4. Elkasović Elmedina, za člana
5. Sijamhodžić Asim za člana

Imenovanje se vrši na mandatni period od 4 godine.

II

Upravni odbor javne ustanove obavlja poslove utvrđene zakonom, propisima Općine Bužim i Pravilima Ustanove.

III

Rješenje stupa na snagu danom donošenja, a isto će se objaviti u Službenom glasniku Općine Bužim.

Broj: 01-04-3342/23 PREDSEDavajući

Bužim, 25.10.2023 OPĆINSKOG VIJEĆA

Hasan Hilić, s.r.

106.

Na osnovu člana 24. Statuta općine Bužim («Službeni glasnik općine Bužim», broj: 12/15) i člana 51. Poslovnika o radu Općinskog vijeća općine Bužim («Službeni glasnik općine Bužim», broj: 3/16), Općinsko vijeće općine Bužim, na prijedlog Komisije za izbor i imenovanja i mandatno imunitetska pitanja, na redovnoj XXVII (dvadesetsedmoj) sjednici, održanoj dana 25.10.2023.godine, **usvojilo je:**

R J E Š E N J E**o izmjeni rješenja o imenovanju Komisije za budžet i finansije****Član 1.**

Ovim Rješenjem mijenja se član 3. Rješenja o imenovanju Komisije za budžet i finansije Općinskog vijeća općine Bužim, br. 01-04-708/23 od 28.02.2023. godine („Službeni glasnik općine Bužim“, br. 3/23), gdje se umjesto člana Komisije, i to:

1. Livaković Hašim - član, i
2. Skenderović Emira - član

imenuju:

1. Hilić Hasan za člana, i
2. Elkasović Agan za člana.

Član 2.

Ostale odredbe rješenja, br. 01-04-708/23 od 28.02.2023. godine („Službeni glasnik općine Bužim“, br. 3/23), ostaju nepromjenjene.

Član 3.

Rješenje stupa na snagu danom donošenja, a objavit će se u Službenom glasniku općine Bužim.

Broj: 01-04-3340/23 PREDSEDavajući

Bužim, 25.10.2023 OPĆINSKOG VIJEĆA

Hasan Hilić, s.r.

OPĆINSKI NAČELNIK**107.**

Na osnovu člana 19. Odluke o izvršavanju budžeta općine Bužim za 2023 godinu, („Službeni glasnik općine Bužim“, broj: 2/23 i 7/23), član 123. Statuta Općine Bužim (Službeni glasnik Općine Bužim, broj:12/15) Općinski načelnik, **donosi :**

O D L U K U**o izmjeni i dopuni Odluke o raspodjeli i načinu utroška sredstava na ekonomskom kodu 614324- transfer udruženjima građana-ostali grantovi za 2023 godinu****Član 1.**

U Odluci o raspodjeli i načinu utroška sredstava na ekonomskom kodu 614324 transfer udruženjima građana- ostali grantovi za 2023 godinu broj: 02-11-1030/23 od 24.03.2023 godine u članu 1) stav (1) iznos od 57.910,00 KM mijenja se u iznos od 66.410,00 KM.

U članu 1. stav (1) u tački 1. iznos izvornih sredstava 50.000,00 KM mijenja se u iznos 58.500,00 KM, a u alineji i) Udruženje žena izvor iznos od 6.910,00 mijenja se u iznos 3.500,00 KM, te iza alineje l) dodaju se alineje: lj) KUD Sevdah u iznosu 8.000,00 KM, m) Udruženje NUR u iznosu od 1.000,00 KM.

Iza tačke 3) dodaje se nova tačka 4) i glasi: Rezerva sredstava po Odluci u iznosu od 2.910,00 KM rasporedit će Općinski načelnik Zaključkom.

Član 2.

Ostale odredbe Odluke ostaju nepromjenjene.

Član 3.

Ova odluka stupa na snagu danom donošenja.

Broj: 02-11-3327/23 OPĆINSKI NAČELNIK

Bužim, 18.10.2023 Mersudin Nanić
dipl.ing.inf., s.r.

108.

Na osnovu člana 19. Odluke o izvršavanju budžeta općine Bužim za 2023 godinu, („Službeni glasnik općine Bužim“, broj: 2/23), člana 123. Statuta općine Bužim („Službeni glasnik općine Bužim“, broj: 12/15), člana 8. stav (4) Odluke o finansiranju i sufinansiranju troškova prevoza redovitih učenika Mješovita srednja škola Hasan Musić Bužim, broj: 01-11-1064/23, a na zahtjev JU Centar za socijalni rad Bužim, broj: 07/31-1822/23, Općinski načelnik, **donosi :**

O D L U K U

o visini učešća u sufinansiranju mjesečne karte redovnih učenika MSŠ Hasan Musić Bužim

Član 1.

Ovom Odlukom o sufinansiranju troškova prevoza redovnih učenika srednje škole MSŠ Hasan Musić

Bužim u školskoj 2023 godini utvrđuje se visina učešća u sufinansiranju mjesečne karte učenika sa prebivalištem ili boravištem na području općine Bužim.

Član 2.

Visina učešća o sufinansiranju mjesečne karte redovnih učenika iz člana 1. ove Odluke iz Budžeta Općine Bužim za 2023 godinu iznosi 90% od iznosa mjesečne karte.

Član 3.

Ova Odluka stupa na snagu danom donošenja, a objavit će se u Službenom glasniku Općine Bužim.

Broj: 02-11-2659-1/23 OPĆINSKI NAČELNIK

Bužim, 06.09.2023 Mersudin Nanić
dipl.ing.inf., s.r.

109.

Na osnovu člana 51.,a u vezi sa članom 53. Zakona o organizaciji organa uprave u Federaciji BiH Službene novine Federacije BiH, broj:35/05) člana 15. Zakona o principima lokalne samouprave u Federaciji BiH (Službene novine Federacije BiH, broj:49/06) i člana 27. stav 1. tačka đ) Zakona o lokalnoj samoupravi USK-a, člana 95. stav 3. Zakona o državnoj službi u Unsko-sanskom kantonu (Službeni glasnik USK 14/17 i 16/17), člana 43. stav 1. Uredbe o načelima za utvrđivanje unutrašnje organizacije organa državne službe u Unsko-sanskom kantonu (“Službeni glasnik Unsko-sanskog kantona“, broj: 22/17), člana 21.i 22. Odluke o organizaciji i djelokrugu rada općinskog organa uprave općine Bužim („Službeni glasnik općine Bužim“,4/21) člana 38.stav 1) alineja 12. Statuta Općine Bužim („Službeni glasnik Općine Bužim, broj:12/15), uz pribavljeno mišljenje Sindikalne organizacije službenika i namještenika organa uprave Bužim broj: 57/23 od 19.10.2023 godine, te saglasnosti Općinskog vijeća Bužim, broj:

01-02-3347-1/23 od 25.10.2023. godine, Općinski načelnik općine Bužim, **donosi:**

P R A V I L N I K
o izmjeni i dopuni Pravilnika o unutrašnjoj organizaciji i sistematizaciji radnih mjesta u Jedinственном Općinskom organu uprave općine Bužim

Član 1.

Ovim Pravilnikom vrše se izmjene i dopune Pravilnika o unutrašnjoj organizaciji i sistematizaciji radnih mjesta u jedinstvenom Općinskom organu uprave općine Bužim („Službeni glasnik općine Bužim, 10/21 i 5/23), u daljem tekstu Pravilnik.

Član 2.

U članu 16. iza tačke 1.4. dodaje se nova tačka 1.4a i glasi:

1.4a Stručni savjetnik za javne nabavke

Opis poslova:

- vrši poslove vezane za javne nabavke za potrebe općinskog organa uprave (izrada tenderske dokumentacije na osnovu prijedloga resornih službi za nabavke roba, usluga i radova, priprema akte o izboru po provedenoj proceduri, priprema Ugovore koji se zaključuju sa izabranim ponuđačem.)
- vodi evidenciju zaključenih ugovora ponuđača s kojim su Ugovori zaključeni
- koordinira rad komisija za javne nabavke
- ostvaruje saradnju sa općinskim pravobranilaštvom kod zaključenja Ugovora
- izrađuje plan javnih nabavki
- odgovara za zakonitost akata koje izrađuje iz opisa poslova radnog mjesta
- izrađuje planove i izvještaje o svom radu
- prati investicije i koordinira sa učesnicima u građenju,

- uspostavlja finansijsku evidenciju i evidenciju o infrastrukturnim objektima, te prati realizaciju iste
- priprema informacije za Općinsko vijeće, Općinskog načelnika i resorne službe u pogledu infrastrukturnih objekata,
- preprama projekte za izradu budžeta u okviru nadležnosti kapitalnih investicija
- vrši poslove vezane za primjenu Zakona o javnim nabavkama, m pratećih propisa, kao i posebnih procedura međunarodnih donatorskih organizacija,
- ostvaruje kontakte i suradnju sa Agencijom za javne nabavke i Uredom za žalbe BiH, Pravobranilaštvom, dobavljačima, ponuđačima, Službenom glasniku BiH, resornim službama i drugim nadležnim institucijama,
- osigurava blagovremenost javnih nabavki i ravnotežu između obima nabavki i raspoloživih sredstava,
- izrađuje sve izvještaje o provedenim postupcima javnih nabavki i postupima u skladu sa podzakonskim i internim aktima iz oblasti javnih nabavki,
- vrši kontrolu zakonitosti svih zahtjeva za pokretanje javnih nabavki i kontroliše osnov i zakonitost izdavanja narudžbenica,
- kontroliše ugovore po svim provedenim postupcima kao i realizaciju istih,
- učestvuje u izradi i implementaciji strategije razvoja općine, planova i projekata proisteklih iz razvojne strategije; • odgovoran je za provedbu propisanih postupaka i procedura Pravilnika o internoj kontroli u okviru ovog radnog mjesta;
- odgovoran je za provedbu propisanih postupaka i procedura o internoj kontroli;
- podnosi redovno pismeno mjesečne, a po potrebi i sedmične izvještaje o svom radu šefu službe,
- obavlja i druge poslove iz nadležnosti po nalogu neposrednog rukovodioca - šefa službe
- za svoj rad odgovara šefu službe

Uslovi za obavljanje poslova :

a) diploma visokog obrazovanja - VII stepen pravne, ekonomske, građevinske struke ili diploma visokog obrazovanja prvog (240 ECTS), drugog ili trećeg ciklusa Bolonjskog sistema studija pravne, ekonomske i građevinske struke

b) položen stručni ispit ili ispit općeg znanja

c) najmanje tri (3) godine radnog iskustva u struci nakon sticanja VSS

d) poznavanje rada na računaru

Vrsta poslova : osnovna djelatnost

Grupa poslova : stručno - operativni

Složenost poslova : najsloženiji

Status izvršioca : državni službenik

Pozicija radnog mjesta : stručni savjetnik

Broj izvršilaca : jedan (1)

Osnovni propisi koji se koriste pri obavljanju poslova radnog mjesta :

- Zakon o javnim nabavkama
- Zakon o obligacionim odnosima
- Pravilnik o postupku dodjele Ugovora o uslugama iz Anexa II ZJN
- Pravilnik o JN u općini Bužim
- drugi zakoni i propisi koji se koriste u obavljanju poslova ovog radnog mjesta

U članu 16. tačka 1.12. Viši referent za komunalne naknade kod uvjeti za obavljanje poslova iza riječi medicinskog smjera, dodaju se riječi ili tehničkog smjera/struke.

Član 3.

U članu 18. u tački 3.5. Viši samostalni referent za koordinaciju lokalnog razvoja iza riječi tehnološke struke dodaju se riječi drvna tehnologija ili drugog tehničkog smjera.

U članu 18. u tački 3.6. Viši referent za prijem podnesaka u službi za razvoj i poduzetništvo iza riječi poljoprivrednog smjera dodaju se riječi mašinskog smjera, i drveno tehničkog smjera ili struke.

Član 4.

U članu 19. kod uvjeta za obavljanja poslova mijenja se slijedeće:

- u tački 4.8. Viši referent za poslove mjesnih zajednica, izbjegla i raseljena lica iza riječi elektrotehničkog smjera dodaju se riječi građevinskog ili tehničkog smjera ili struke.

- u tački 4.13. Viši referent -vozač iza riječi motornih vozila dodaju se riječi tekstilne, mašinske i tehničke struke, a broj izvršilaca se mijenja i glasi: 2 (dva) izvršioca.

- U tački 4.14. Viši referent-domar iza riječi elektro smijera dodaju se riječi građevinskog smjera ili struke.

- U tački 4.15. Referent-kurir dostavljač iza riječi tehničkog smjera dodaju se riječi građevinske struke, a broj izvršilaca se mijenja i glasi: 2 (dva) izvršioca.

ZAVRŠNE ODREDBE

Član 5.

Pravilnik o izmjenama i dopuni Pravilnika o unutrašnjoj organizaciji i sistematizaciji radnih mjesta u Jedinostvenom Općinskom organu uprave općine Bužim i Odluka Općinskog vijeća o davanju saglasnosti na izmjene i dopune Pravilnika objavit će se u Službenom glasniku općine Bužim.

Član 6.

Pravilnik o izmjenama i dopuni Pravilnika o unutrašnjoj organizaciji i sistematizaciji radnih mjesta u Jedinostvenom Općinskom organu uprave općine Bužim stupa na snagu osmog dana od dana objavljivanja u Službenom glasniku općine Bužim.

Broj: 02-02-3347/23 OPĆINSKI NAČELNIK

Bužim, 19.10.2023 Mersudin Nanić
dipl.ing.inf., s.r.

110.

Na osnovu člana 7. Zakona o porezu na promet nekretnina (Službeni glasnik Unsko-sanskog kantona broj: 6/04, 18/04 i 13/21) člana 123. Statuta Općine Bužim (Službeni glasnik Općine Bužim, broj: 12/15) člana 3, 5, i 6, a u vezi sa članom 10. Pravilnika o načinu rada i kriterijima za određivanje visine novčane naknade članovima stručnih komisija i drugih radnih tijela koje imenuje Općinski načelnik (Službeni glasnik Općine Bužim, broj:12/16) Općinski načelnik općine Bužim, **donosi:**

R J E Š E N J E
o imenovanju Komisije za procjenu
prometne vrijednosti nekretnina

I

Ovim Rješenjem imenuje se stručna komisija za procjenu prometne vrijednosti nekretnina na području općine Bužim, na period od dvije godine.

II

Komisija za procjenu prometne vrijednosti nekretnina broji tri člana.

Komisija će raditi u sastavu od predsjednika i dva člana.

Mandat komisije traje dvije godine.

III

U stručnu komisiju za procjenu prometne vrijednosti nekretnina na period od dvije godine imenuju se:

1. Amel Dizdarević, građevinske struke, predsjednik

2. Enisa Veladžić, poljoprivredne struke, član

3. Skenderović Emira, ekonomske struke, član

IV

Komisija obavlja procjenu nekretnina na području općine Bužim u postupku razreza poreza na promet nepokretnosti koji provodi nadležna porezna uprava, u skladu sa Zakonom o porezu na promet nekretnina (Sl.glasnik USK, broj: 6/04, 18/04 i 13/21), te Pravilima i kriterijima na osnovu kojih se utvrđuje prometna vrijednost nekretnina, Odlukom o porezu na promet nepokretnosti.

Komisija može obavljati poslove procjene nekretnina i u drugim slučajevima kada je zakonskim propisima određeno.

V

Članovi Komisije imaju pravo na naknadu u iznosu 20,00 KM za svaku izvršenu procjenu nekretnina, koja se isplaćuje po izvršenoj procjeni na teret podnosioca zahtjeva, odnosno poreznog obveznika.

U slučaju kada Komisija vrši procjenu nekretnina u skladu sa odredbama iz tačke IV ovog rješenja, troškove naknade rada komisije snosi vlasnik za čiji se interes vrši procjena.

VI

Komisija podnosi izvještaj o svome radu Općinskom načelniku u roku 15 dana od isteka svakog polugodišta.

VII

Ovo rješenje stupa na snagu danom donošenja i ima se objaviti u Službenom glasniku općine Bužim.

VIII

Danom stupanja na snagu ovog rješenja, prestaje važiti Rješenje Općinskog načelnika broj:02-04-2625-1 /21 od 24.08.2021., 02-04-364-1/22 i 02-04-2625-2/23 od 21.08.2023 godine.

Obrazloženje:

Pravni osnov za donošenje ovog Rješenja sadržan je u članu 7. Zakona o porezu na promet nekretnina (Službeni glasnik USK, broj: 6/04, 18/04 i 13/21)

kojim je propisano da prometnu vrijednost nekretnina procjenjuje stručna komisija koju imenuje Općinski načelnik iz oblasti građevinske, poljoprivredne, geodetske i ekonomske struke.

Komisija se imenuje na period od dvije godine i broji tri člana kako je utvrđeno tačkom II ovog rješenja.

Članom 5. Pravilnika o načinu rada i kriterijima za određivanje visine novčane naknade članovima stručnih komisija i drugih radnih tijela koje imenuje Općinski načelnik (Službeni glasnik Općine Bužim, broj: 12/16) utvrđeno je da se komisije mogu imenovati najduže na period od dvije godine. Članom 10. Pravilnika o načinu rada i kriterijima za određivanje visine novčane naknade članovima stručnih komisija i drugih radnih tijela koje imenuje Općinski načelnik (Službeni glasnik Općine Bužim, broj:12/16) stoji da predsjedniku i članovima pripada naknada za rad Komisije u visini od 20,00 KM po izvršenoj procjeni.

Broj: 02-04-3390/23 OPĆINSKI NAČELNIK
Bužim, 24.10.2023 Mersudin Nanić
dipl.ing.inf., s.r.

111.

Na osnovu člana 29. stav (2) Uredbe sa zakonskom snagom o ustanovama (Službeni list RBiH broj:61/92, 81/93 i 13/94) Odluke o osnivanju javne ustanove Centar za kulturu, sport i informisanje Bužim (Službeni glasnik Općine Bužim broj:4/14) člana 38. Pravila JU Centar za kulturu, sport i informisanje, a na zahtjev JU Centar za kulturu, sport i informisanje Bužim, broj: 05-509/23 od 01.11.2023 godine Općinski načelnik općine Bužim, **daje:**

SAGLASNOST

I

Daje se saglasnost na imenovanje Majde Mulalić za direktora JU Centar za kulturu, sport i informisanje Bužim.

II

Saglasnost stupa na snagu danom donošenja i ista će se objaviti u Službenom glasniku Općine Bužim.

Broj: 02-04-3504-1/23 OPĆINSKI NAČELNIK
Bužim, 03.11.2023 Mersudin Nanić
dipl.ing.inf., s.r.

112.

Na osnovu člana 38. i člana 123. Statuta općine Bužim ("Službeni glasnik općine Bužim", broj: 12/15), Odluke o budžetu općine Bužim za 2023. godinu ("Službeni glasnik općine Bužim", broj: 2/23 i 7/23), Akt broj: 02/2-11-st/22-NTod 31.12.2022. godine, Općinski načelnik općine Bužim, **donosi:**

ZAKLJUČAK

o detaljnom rasporedu viška prihoda nad rashodima-akumuliranog suficita sa 31.12.2022.godine u budžetu općine Bužim za 2023. godinu,-

I

Na osnovu Odluke o budžetu općine Bužim za 2023. godinu ("Službeni glasnik općine Bužim", broj: 2/23 i 7/23) i akta 02-11-450-1/23 od 02.03.2023. godine, dio utvrđenog viška prihoda nad rashodima-akumuliranog suficita sa 31.12.2022.godine u budžetu općine Bužim za 2023. godinu, raspoređen je na kapitalne investicije i tekuće grantove, u iznosu od 2.368.713,-KM, kako slijedi:

- a) 790.000,-KM za projekat vodovod Pivnice,
- b) 500.000,-KM za projekat Muzej 505 Viteške,

c) 430.821,-KM za putnu mrežu, raspoređena na sljedeće putne pravce:

- NP Isakovići – Hrgar iznos od 1.512,00
- NP Bijela trešnja – Police iznos od 45.000,00
- NP Selište iznos od 85.103,00
- NP Šuplja lipa - Omerovića njive iznos od 55.000,00
- NP Ćorića glavica - Palijan - obaveza iz 2022.god. iznos od 18.200,00
- NP Kiurića brdo- Palijan - obaveza iz 2022.god. iznos od 15.000,00
- NP Durakovići- Ćukovo - obaveza iz 2022.god. iznos od 30.000,00
- Nadzor nad putnom mrežom- obaveze iz 2022.god. iznos od 300,00
- Nadzor nad putnom mrežom- obaveze iz 2022.god. iznos od 5.706,00
- Rekonstru. i moderni. lokalnog puta Trostruki klanci-Lipa iznos od 20.000,00
- Rekonstr. i moder. neka. puta Baltići-Balčinovići Čardak iznos od 20.000,00
- Rekonstr. i moder. nekategorisanog puta Breza-Rusija iznos od 20.000,00
- Reko. i mod. NP Mešin put (Mamića bunari-Stara brana) iznos od 20.000,00
- Rekonstr. i moder. nekategor. puta Bunići-Radostovo iznos od 40.000,00
- Rekonstr. i moder. nekategorisanog puta Bezi-Topalovići iznos od 20.000,00
- NP Pomajdan- Stari Grad iznos od 25.000,00 i
- NP Nahići-Buljubašići-Haralčići iznos od 10.000,00.

d) 117.892,-KM za projekat Vatrogasni dom,

e) 100.000,-KM za izradu projektno tehničke dokumentacije za kanalizaciju Bužim,

f) 50.000,-KM za projekat Bužimska zima,

g) 80.000,-KM za eksproprijaciju zemljišta za vodovod Musiće i dječiji vrtić,

h) 100.000,-KM za tekuću potporu prevozu učenika putem Centra za socijalni rad i

i) 100.000,-KM za tekuću potporu JKP Komb Bužim-u stečaju.

j) 100.000,-KM za nabavku automobila.

Po utrošku sredstava, ista knjigovodstveno evidentirati na kapitalne investicije i tekuće potpore kako je navedeno u tački I ovog Zaključka.

II

O sprovođenju ovog Zaključka starat će se Općinski načelnik putem nadležnih službi.

III

Zaključak stupa na snagu danom donošenja i isti objaviti u Službenom glasniku općine Bužim.

Broj: 02-11-3353/23

OPĆINSKI NAČELNIK

Bužim, 20.10.2023

Mersudin Nanić
dipl.ing.inf., s.r.

SLUŽBENE OBJAVE**12. RJEŠENJE O DAVANJU SAGLASNOSTI NA IMENOVANJE ČLANOVA OPĆINSKE IZBORNE KOMISIJE OPĆINE BUŽIM**

Broj: 06-1-07-1-417/23
Sarajevo, 19.10.2023. godine
(M.Ž)

Na osnovu člana 2.9 stav (1) tačka 17. i člana 2.12 stav (5) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i člana 195. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po zahtjevu Općinskog vijeća Bužim za davanje saglasnosti na imenovanje članova Općinske izborne komisije Bužim, Centralna izborna komisija Bosne i Hercegovine je na 67. sjednici, koja je održana 19.10.2023. godine, donijela

R J E Š E N J E

- (1) Daje se saglasnost na Odluku Općinskog vijeća Bužim broj: 01-04-2042/23 od 26.06.2023. godine u dijelu kojim se na dužnost člana Općinske izborne komisije Bužim imenuje:

1. Emir Duranović, član

- (2) Ne daje se saglasnost na Odluku Općinskog vijeća Bužim broj: 01-04-2042/23 od 26.06.2023. godine u dijelu kojim se na dužnost člana Općinske izborne komisije Bužim imenuje:

1. Meliha Dizdarević, članica**O b r a z l o ž e n j e**

Općinsko vijeće Bužim je aktom broj: 01-04-2126/23 od 30.06.2023. godine, zatražilo od Centralne izborne komisije Bosne i Hercegovine saglasnost na Odluku broj: 01-04-2042/23 od 26.06.2023. godine, kojom se na dužnost članova Općinske izborne komisije Bužim imenuju Emir Duranović i Meliha Dizdarević, uz koji je priložena dokumentacija u smislu člana 13. stav (1) Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", br. 67/21, 73/21, 1/22 i 13/22) (u daljem tekstu: Uputstvo).

Uvidom u dostavljenu dokumentaciju utvrđeno je da su se ukupno 4 kandidata prijavila na javni oglas i zadovoljila formalne uslove, te su se svi kandidati odazvali intervjuu. Općinsko vijeće Bužim imenovalo je dva prvorangirana kandidata s rang-liste uspješnih kandidata, Emira Duranovića i Melihu Dizdarević.

Međutim, uvidom u dostavljeni Zapisnik broj: 01/1-04-105/23 od 16.06.2023. godine utvrđeno je da je konkursna komisija ocjenjivala odgovore kandidata pojedinačno, na način da je svaki odgovor ocijenjen posebno dodjelom bodova od 1 do 5, te da broj bodova na intervjuu svakog kandidata predstavlja zbir bodova koje je kandidat dobio od svakog člana konkursne komisije, podijeljen sa

brojem bodova članova komisije koji su učestvovali na intervjuu, umjesto da svaki član konkursne komisije ocjenjuje sva tri odgovora kandidata jednom zbirnom ocjenom, u skladu s važećim odredbama člana 10. stav (6) Uputstva.

Imajući u vidu prednje navedeno, od Općinskog vijeća Bužim je zatraženo da konkursna komisija izvrši tehničku korekciju u dijelu postupka bodovanja kandidata na intervjuu, odnosno da isti uskladi sa važećim postupkom utvrđenim Uputstvom i isto evidentira u obrazac Zapisnik 2 konkursne komisije (ZKK-2) i Zapisnik 3 (ZKK-3), aktima Centralne izborne komisije BiH broj: 06-1-07-1-417/23 od 18.07.2023. godine, broj: 06-1-07-1-417/23 od 02.08.2023. godine i broj: 06-1-07-1-417/23 od 12.09.2023. godine.

U vezi sa zahtjevom Centralne izborne komisije Bosne i Hercegovine Općinsko vijeće Bužim je dostavilo akt-pojašnjenje Zapisnika II broj: 01-04-2126/23 od 24.07.2023. godine i akt-pojašnjenje Zapisnika II broj: 01-04-2126/23 od 22.08.2023. godine.

Aktom broj: 01-04-2126/23 od 02.10.2023. godine Općinsko vijeće Bužim je postupilo u skladu s uputom Centralne izborne komisije BiH i dostavilo zapisnike konkursne komisije ZKK-2 i ZKK-3, u kojima je izvršeno bodovanje tehnički korigirano na način da je postupak tehnički usklađen sa važećim odredbama člana 10. stav (6) Uputstva.

Međutim, uvidom u dostavljene zapisnike utvrđeno je da je došlo do izmjene u poretku kandidata na rang-listi, na način da je prethodno trećerangirani kandidat Emir Veladžić, ukupnim bodovanjem po osnovu stručne spreme, naučnog zvanja, izbornog iskustva i uspjeha postignutog na intervjuu, prema postupku usklađenom sa članom 10. stav (6) Uputstva rangiran na drugom mjestu na rang-listi uspješnih kandidata sa ukupno 11.3 boda, dok je prethodno drugorangirana kandidatkinja Meliha Dizdarević na trećem mjestu rang-liste uspješnih kandidata sa ukupno 11 bodova.

Navedenim postupkom Općinsko vijeće Bužim je Odlukom broj: 01-04-2042/23 od 26.06.2023. godine imenovalo dva kandidata s rang-liste uspješnih kandidata, pri čemu je odstupilo od utvrđene rang-liste konkursne komisije, odnosno imenovan je prvorangirani kandidat Emir Duranović i trećerangirana kandidatkinja Meliha Dizdarević.

Uvidom u dostavljenu dokumentaciju i evidencije koje se vode u Centralnoj izbornoj komisiji BiH utvrđeno je da Emir Duranović ispunjava uslove propisane odredbama Izbornog zakona Bosne i Hercegovine i Uputstva.

Provjerom u službenim evidencijama Centralne izborne komisije BiH utvrđeno je da je Emir Duranović naveden u listi lica ovlaštenih za zastupanje liste nezavisnih kandidata Narodna lista Bužim na Lokalnim izborima 2020. godine. U vezi sa imenovanjem lica u članstvo izborne komisije koja je punomoćnik političkog subjekta, u smislu člana 2.12 stav (7) Izbornog zakona BiH doneseno je Rješenje Suda BiH broj: Iž-26/10 od 25.03.2010. godine, kojim se Centralna izborna komisija BiH upućuje na provjeru da li je žalitelj i dalje ovlašten punomoćnik za podnošenje prigovora i žalbi i da li je uopće član političke stranke i ako nije da li je ta činjenica relevantna za izvođenje zaključka o nepodobnosti kandidata za člana izborne komisije, odnosno da li ima povrede odredbi člana 2.12 stav (7) Izbornog zakona BiH.

Na zahtjev Centralne izborne komisije BiH broj: 06-1-07-1-417/23 od 18.07.2023. godine dostavljen je odgovor ovlaštenog lica Narodne liste Bužim Agana Bunića od 09.08.2023. godine da Emir Duranović nije više ovlašteno lice za zastupanje liste nezavisnih kandidata Narodna lista Bužim u smislu člana 2.12 stav (7) Izbornog zakona BiH.

Također, imenovani je, pod punom materijalnom i krivičnom odgovornošću, potpisao i kod nadležnog organa ovjerio izjavu da nije obuhvaćen odredbom člana 2.3 Izbornog zakona BiH.

Kako je članom 13. stav (2) Uputstva propisano da Centralna izborna komisija Bosne i Hercegovine daje pisanu saglasnost na odluku o imenovanju članova izborne komisije, ukoliko su ispoštovane procedure iz člana 7, 8, 9, 10. i 13. stav (1) Uputstva i ukoliko izabrani kandidat ispunjava propisane

uslove, to je primjenom člana 2.9 stav (1) tačka 17. i člana 2.12 stav (5) Izbornog zakona Bosne i Hercegovine i člana 13. stav (2) Uputstva, riješeno kao u dispozitivu.

Pravna pouka: Protiv ovog Rješenja dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ovog Rješenja preko Centralne izborne komisije Bosne i Hercegovine u skladu sa članom 6.9 stav (1) i (2) Izbornog zakona Bosne i Hercegovine.

Dostavljeno:

- Općinsko vijeće Bužim,
- Općinska izborna komisija Bužim,
- a/a



Predsjednik

Suad Arnautović
Suad Arnautović

13. RJEŠENJE O DAVANJU SAGLASNOSTI NA RAZRJEŠENJE ČLANOVA OPĆINSKE IZBORNE KOMISIJE OPĆINE BUŽIM

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

Broj: 06-1-07-1-417/23
Sarajevo, 19.10.2023. godine
(M.Ž.)

Na osnovu člana 2.9 stav (1) tačka 17. i člana 2.12 stav (6) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i člana 195. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po zahtjevu Općinskog vijeća Bužim u predmetu razrješenja članova Općinske izborne komisije Bužim, Centralna izborna komisija Bosne i Hercegovine je na 67. sjednici, koja je održana 19.10.2023. godine, donijela

R J E Š E N J E

Daje se saglasnost na Odluku Općinskog vijeća Bužim broj: 01-04-2041/23 od 26.06.2023. godine kojom se dužnosti članova Općinske izborne komisije Bužim zbog isteka mandata razrješavaju:

1. Emir Veladžić, član
2. Elvira Muratović, članica

O b r a z l o ž e n j e

Općinsko vijeće Bužim je aktom broj: 01-04-2126/23 od 30.06.2023. godine zatražilo od Centralne izborne komisije Bosne i Hercegovine saglasnost na Odluku broj: 01-04-2041/23 od 26.06.2023. godine, kojom se Emir Veladžić i Elvira Muratović razrješavaju dužnosti u članstvu Općinske izborne komisije Bužim, zbog isteka mandata.

Uvidom u evidencije koje se vode u Centralnoj izbornoj komisiji Bosne i Hercegovine utvrđeno je da je navedenim članovima Općinske izborne komisije Bužim mandat u skladu s članom 2.4 stav (1) Izbornog zakona Bosne i Hercegovine istekao 15.10.2022. godine.

S tim u vezi, Centralna izborna komisija Bosne i Hercegovine je, na osnovu člana 2.9 stav (1) tačka 17. i člana 2.12 stav (6) Izbornog zakona Bosne i Hercegovine, odlučila kao u dispozitivu ovog Rješenja.

Pravna pouka: Protiv ovog Rješenja dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ovog Rješenja preko Centralne izborne komisije Bosne i Hercegovine u skladu sa članom 6.9 stav (1) i (2) Izbornog zakona Bosne i Hercegovine.

Dostavljeno:

- Općinsko vijeće Bužim,
- Općinska izborna komisija Bužim,
- a/a



S A D R Ž A J

OPĆINSKO VIJEĆE

103. ODLUKA o davanju saglasnosti na Pravilnik o izmjeni i dopuni Pravilnika o unutrašnjoj organizaciji i sistematizaciji radnih mjesta u Općinskom organu uprave općine Bužim..... 1

104. RJEŠENJE o imenovanju Upravnog odbora JU „Centar za kulturu, sport i informisanje“ Bužim..... 2

105. RJEŠENJE o imenovanju Upravnog odbora u JU „Centar za socijalni rad“ Bužim..... 2

106. RJEŠENJE o izmjeni rješenja o imenovanju Komisije za budžet i finansije 3

OPĆINSKI NAČELNIK

107. ODLUKA o izmjeni i dopuni Odluke o raspodjeli i načinu utroška sredstava na ekonomskom kodu 614324- transfer udruženjima građana-ostali grantovi za 2023 godinu..... 3

108. ODLUKA o visini učešća u sufinansiranju mjesečne karte redovnih učenika MSŠ Hasan Musić Bužim..... 4

109. PRAVILNIK o izmjeni i dopuni Pravilnika o unutrašnjoj organizaciji i sistematizaciji radnih mjesta u Jedinstvenom Općinskom organu uprave općine Bužim 5

110. RJEŠENJE o imenovanju Komisije za procjenu prometne vrijednosti nekretnina..... 7

111. SAGLASNOST na imenovanje direktora JU Centar za kulturu općine Bužim 8

112. ZAKLJUČAK o detaljnom rasporedu viška prihoda nad rashodima-akumuliranog suficita sa 31.12.2022.godine u budžetu općine Bužim za 2023. godinu,-..... 8

SLUŽBENE OBJAVE

12. RJEŠENJE o davanju saglasnosti na imenovanje članova Općinske izborne komisije općine Bužim10

13. RJEŠENJE o davanju saglasnosti na razrješenje članova Općinske izborne komisije općine Bužim13